



**Republika e Kosovës – Republika Kosova**  
**Paneli Zgjedhor për Ankesa dhe Parashtresa**  
**Izborni Panel za žalbe i Predstavke**

**Anr.101/2019**

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Fejzullah Rexhepi kryesues, Faton Ademi dhe Adnan Konushevci anëtarë, me pjesëmarrjen e zyrtarit të lartë ligjore Kudret Hasani, duke vendosur lidhur me apelin e parashtruar nga subjekti politik Jedinstvena Goranske Partije (JGP), me seli në Dragash, paraqitur kundër vendimit të Komisionit Qendror i Zgjedhjeve (KQZ) nr.1192-2019, për shkak të miratimit të listës së Kryesuesve dhe Anëtarëve të Këshillave të Vendvotimeve (KVV), për Zgjedhjet e Parakohshme për Kuvendin e Republikës së Kosovës, që do të mbahen më datë 06.10.2019, në seancën e panelit të mbajtur më datë 27.09.2019, mori këtë:

## **V E N D I M**

**HUDHET** i palejuar apeli Anr.101/2019 i datës 26.09.2019, i paraqitur nga subjekti politik Jedinstvena Goranske Partije (JGP), me seli në Dragash, paraqitur kundër vendimit Nr. 1192-2019 të datës 24.09.2019, të Komisionit Qendror i Zgjedhjeve (KQZ), me seli në Prishtinë.

## **A r s y e t i m**

Me datën 26.09.2019, Jedinstvena Goranska Partija, (JGP), ka paraqitur apel në PZAP, në të cilin pretendon se Komisioni Komunal Zgjedhor në Prizren ia ka zvogëluar numrin e komisionerëve nga 10 anëtarë në 7 anëtarë, si dhe ia ka ndërruar vendvotimet e tyre. Paraqitësi i apelit thekson se me këtë veprim subjekti i tyre politik është diskriminuar pasi që sipas paraqitësit të apelit nuk ka kujdesje për votuesit nga komuniteti pakice të goranve sepse në vendvotimet që u janë ndare janë 100% të banuara me popullsi shumice shqiptare si në fshatrat Gjonaj, Srbic, Lutoglav, Korishë.

Paraqitësi i apelit kërkon që tu kthehen komisionarët në vendvotimet të cilat i kane propozuar pasi që ky vendim, sipas paraqitësit të apelit është i papranueshëm dhe diskriminues dhe pamundëson procesin fër dhe demokratik për komunitetin goran i cili është kategori kushtetuese.

PZAP-i, pas shqyrtimit të lejueshmërisë së apelit gjeti se:

## **Apeli është i palejuar,**

Nga shkresat e lëndës rezulton se KQZ-ja, ka marr vendim me Nr. Nr. 1192-2019 të datës 24.09.2019, ka marrë vendim lidhur me miratimin e Përbërjes së kryesuesve dhe anëtarëve të Këshillave të Vendvotimeve (KVV), për Zgjedhjet e Parakohshme për Kuvendin e Kosovës.

Me rastin e shqyrtimit të apelit PZAP-i, iu ka drejtuar KQZ-së, për të dhënë përgjigje në raport me apelin e paraqitësit dhe pretendimeve që dalin nga i njëjti.

KQZ-ja, me anë të përgjigjes në apel ka theksuar se pas pranimit të nominimeve nga subjektet politike, dhe shqyrtimit të tyre, KQZ-ja bazuar në nenin 74, 75, 76 dhe 77, si dhe nenin 6 të Rregullës Zgjedhore nr.19/2016, për Këshillat e vendvotimeve, më datën 24.09.2019 me vendimin Nr. 1192/2019, ka miratuar përbërjen e kryesuesve dhe anëtarëve të Këshillave të Vendvotimit, për zgjedhjet e datës 06 tetor 2019. Mëtej në përgjigje ka potencuar se bazuar në nenin 63 paragrafi 6 të LZP-së, nuk është në kompetencë të PZAP-it, të vendos lidhur me këtë rast ngase neni 122 i LZP-së, përcakton se për cilat lloje të vendimeve të marra nga KQZ-ja, ka juridiksion të vendos PZAP-i.

PZAP, duke vlerësuar lejueshmërinë e apelit, konstatoi se apeli është i palejuar, ngase sipas nenit 63 paragrafi 6 i LZP-së, të gjitha vendimet e KQZ-së, nuk i nënshtrohen ankesës përveç nëse përcaktohet qartë me LZP. Në rastin konkret nuk është përcaktuar qartë me nenin 122 paragrafi 1 pikat a), b), c), d), e) dhe f) të LZP-së, me të cilën dispozitë ligjore përcaktohet se cilat vendime të marra nga KQZ-ja, mund t'i nënshtrohen ankesës në PZAP. Po ashtu me asnjë dispozitë të LZP-së, nuk është paraparë mundësia që për vendimin e ankimuar të lejohet apel i veçantë, nga kjo rezulton se apeli është i palejueshëm, dhe nuk është në juridiksionin e PZAP-it, që të vendos për vendimet e KQZ-së, që kanë të bëjnë me emërimin e KVV-ve.

Nga arsyet, PZAP-i ,në mbështetje të dispozitës së nenit 118 par.1 të LZP-së, vendosi si në dispozitiv të këtij vendimi.

### **Paneli Zgjedhor për Ankesa dhe Parashtrës**

Anr. 101/2019 më datë 27.09.2019.

**Kryesues i Panelit**

**Fëzullah Rexhepi**



**Këshillë juridike:** PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i.